

Bosna i Hercegovina
Federacija Bosne i Hercegovine
KANTON SARAJEVO
Ministarstvo za nauku, visoko obrazovanje i mlade

PRAVILNIK
O IZMJENAMA I DOPUNI PRAVILNIKA
O UNUTRAŠNJOJ ORGANIZACIJI MINISTARSTVA ZA NAUKU,
VISOKO OBRAZOVANJE I MLADE

Sarajevo, februar 2022. godine

Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05) i člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br. 36/06, 8/12 i 39/16) ministrica za nauku, visoko obrazovanje i mlade, uz saglasnost Vlade Kantona Sarajevo, donosi

**PRAVILNIK
O IZMJENAMA I DOPUNI PRAVILNIKA
O UNUTRAŠNJOJ ORGANIZACIJI MINISTARSTVA ZA NAUKU,
VISOKO OBRAZOVANJE I MLADE**

**Član 1.
(Izmjena člana 10.)**

U Pravilniku o unutrašnjoj organizaciji Ministarstva za nauku, visoko obrazovanje i mlade Kantona Sarajevo, broj: 27-01/2-02-20600-1/21 od 06.05.2021.godine (u daljem tekstu: Pravilnik), član 10. stav (1) mijenja se i glasi:

„Za izvršavanje poslova i zadataka iz djelokruga Ministarstva utvrđuje se ukupno 39 izvršilaca, od čega jedan rukovodilac, jedan sekretar Ministarstva, četiri državna službenika koji rukovode osnovnim organizacionim jedinicama, 27 državnih službenika i šest namještenika.“

**Član 2.
(Izmjena člana 16.)**

Član 16. Pravilnika mijenja se i glasi:

„Član 16.

(Stručni saradnik za poslove Savjeta za nauku)

(1) Naziv radnog mjesta: Stručni saradnik za poslove Savjeta za nauku

(2) Opis posla radnog mjesta:

a) obavlja složene poslove;

b) prati i istražuje stanje i pojave u vezi razvoja programa naučnoistraživačke djelatnosti u Kantonu kao osnova za podsticanje naučnoistraživačkog i istraživačkorazvojnog rada u Kantonu, te po tom pitanju izrađuje potrebnu dokumentaciju i druge materijale;

c) prikuplja, sređuje, evidentira, mjeri, osmatra i obrađuje podatke koji se odnose na razvoj programa naučnoistraživačke djelatnosti u Kantonu kao osnova za podsticanje naučnoistraživačkog i istraživačkorazvojnog rada u Kantonu;

d) pomaže radu Savjeta za nauku, obavlja stručne i administrativne poslove za potrebe Savjeta za nauku,

e) vodi evidenciju pravnih i fizičkih lica koja obavljaju naučnoistraživačku djelatnost, te evidenciju lica izabranih u naučno-nastavnih i saradnička zvanja, koja sudjeluju u naučnoistraživačkim i istraživačkorazvojnim projektima,

f) dužan je izvršavati i druge poslove i naloge ministra i pomoćnika ministra,

h) za svoj rad odgovara pomoćniku ministra.

(3) U obavljanju poslova koji su u opisu ovog radnog mjesta obavezan je da primjenjuje i unaprjeđuje Politiku sistema upravljanja kvalitetom, realizuje utvrđene ciljeve kvaliteta i primjenjuje sve usvojene procedure vezane za sistem upravljanja kvalitetom ISO:9901.

(4) Uslovi za vršenje poslova: stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, društvenih ili humanističkih nauka, jedna godina radnog staža na poslovima svoje struke nakon završene visoke stručne spreme i položen stručni ispit, ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, društvenih ili humanističkih nauka, najmanje pet godina radnog iskustva u organima državne službe nakon položenog stručnog ispita za namještenike u organima državne službe i poznavanje rada na računaru.

(5) Vrsta djelatnosti: Poslovi osnovne djelatnosti

(6) Naziv grupe poslova: Stručno – operativni

(7) Složenost poslova: Složeni poslovi

(8) Status izvršioca: Državni službenik

(9) Pozicija radnog mjesta: Stručni saradnik

(10) Broj izvršilaca: 1 (jedan).“

Član 3.

(Izmjena člana 34.)

U članu 34. Pravilnika stav (4) mijenja se i glasi:

„ (4) Uslovi za vršenje poslova: stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, društvenih ili humanističkih nauka, jedna godina radnog staža na poslovima svoje struke nakon završene visoke stručne spreme i položen stručni ispit, ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, društvenih ili humanističkih nauka, najmanje pet godina radnog iskustva u organima državne službe nakon položenog stručnog ispita za namještenike u organima državne službe i poznavanje rada na računaru.“

Član 4.

(Dopuna člana 39.)

U članu 39. Pravilnika, stav (10) dopunjuje se i glasi:

„ (10) Broj izvršilaca: 2 (dva)“.

Član 5.

(Brisanje člana 40.)

Član 40. briše se.

Član 6.
(Organizaciona shema)

Sastavni dio Pravilnika o izmjenama i dopuni Pravilnika o unutrašnjoj organizaciji Ministarstva za nauku, visoko obrazovanje i mlade Kantona Sarajevo je organizaciona shema.

Član 7.
(Ostale odredbe Pravilnika)

Ostale odredbe Pravilnika, koje nisu izmjenjene ovim pravilnikom ostaju na snazi.

Član 8.
(Stupanje na snagu ovog Pravilnika)

Ovaj Pravilnik stupa na snagu danom dobivanja saglasnosti od Vlade Kantona Sarajevo i objavit će se u „Službenim novinama Kantona Sarajevo“.

Broj: 27-01/2-02-20600-1.1/21
Sarajevo, 14.02.2022.godine



Na ovaj pravilnik Vlada Kantona Sarajevo je dala saglasnost. Svojom aktom broj: 02-04-4908-25/22 od 17.02. 2022. godine na sjednici održanoj dana 17.02. 2022.godine, sve u skladu sa članom 52. stav (1) tačka 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05).